

մարդկային ցեղի վերանորոգությունը կդնեն նույն Հայաստանի մեջ, քանի որ նա տապալել է կանգնելը՝ Արաբա-տ լեռան վրա⁹։ Անկախ այս մտքից, որը հորենացու մոտ էլ առասպելական աղբյուրներից է քաղված, կայրենիցը հավատում է այն ճշմարտությանը, որ Հայաստանը մարդկության հնագույն ուստանն ու մեծ քաղաքակրթություններից է, իսկ հայերենը՝ աշխարհի ինքնատիպ ու հարուստ լեզուներից մեկը։

⁹ Տե՛ս կայրենիցի՝ Լա Կրոզին գրած 35-րդ համակը։

Հարկ ենք համարում նշել, որ հայ ժողովրդի պատմության, մշակույթի, լեզվի վերաբերյալ Գոտֆրիդ Լայբնիցի ունեցած դատողություններից շատերը, ինչպես գրում է «Բազմա-վեպը», թեև «զուտ ավանդական են, երբեմն էլ նույնիսկ սխալ, սակայն չեն դադարի մեզի համար հետաքրքրական ըլլալի այն գնահատական ձևին մեջ, որ կգտնվին այդ մեծ մարդուն բերնին մեջ»¹⁰։

Վ. Խ. ԱԼԵՔՍԱՆՅԱՆ

¹⁰ «Բազմա-վեպ», 1940, № 4—7, էջ 133։

ԱՐԳԻՇԹԻԽԻՆԻԼԻ ՍԱՐԿՈՖԱԳ

Արգիշթիխինիլի հոգևոր ու աշխարհիկ բնույթի տարատեսակ հուշարձանների շարքում կարեւոր տեղ են զբաղում քաղաքաբնականների թաղման ձևերը, ծեսերն ու հումաճու կյանքի մասին եղած պատկերացումները բացահայտող դամբարանները։ Վերջիններս գտնվել են Դավթի բլրաշարքը հյուսիսից, արևմուտքից և հարավից շրջապատող տարածքում, որն այժմ զբաղեցված է ուշ ուրարտական առանձնատների փլատակներով, նոր Արմավիր և Նալբանդյան գյուղերի շինություններով ու այգեստաններով։ Մինչ այժմ Արգիշթիխինիլիում հայտնաբերված գերեզմանները շիրիմաթումր կամ ստորերկրյա մեմորիալ հուշարձանի գոյությունը ցույց տվող որևէ այլ առանձնահատկություն չունեն։ այդ իսկ պատճառով դամբարանների մեծ մասը հայտնաբերվել է շինարարական աշխատանքների ժամանակ, նետեաբար և դրանց ուսումնասիրությունը կատարվել է կիսաքանդ կամ լրիվ ավերված գերեզմանների մնացորդների հետազոտության ու ոռոգի բնակչությանից հավաքված հնագիտական յուրթերի հիման վրա։ Թաղումներն Արգիշթիխինիլիում կատարվել են սալարկղներում, քարալղղներում, աղյուսաշեն գերեզմաններում։ Հայտնի են և կարասային թաղումներ, ինչպես և թալումներ, երբ դիակիզված կամ դիամասնատված սճյունի մնացորդը լցվել է կճուճի մեջ և նոր Իխայն թաղվել։

Ուրարտական թաղման ծեսի ուսումնասիրության համար առանձնակի հետաքրքրություն է ներկայացնում 1973 թ. Արգիշթիխինիլի արևելայան ամրոցից 350—400 մ հյուսիս, նոր երմավր գյուղի բնակիչ Լևոն Սարգսյանի տնա-ներձ հողամասում գտնված քարե սարկոֆագը¹։

¹ Սա Արգիշթիխինիլիում գտնված միակ տարկոֆագը չէ, քանի որ նոր Արմավիրի բնա-

Այն տեղակայված էր 0,5 մ հաստություն ունեցող մշակույթի հողաշերտից 0,4 մ ցած, ավազախառն խճաքարի բնահողային շերտում։ Սարկոֆագն ուներ 45° դեպի արևելք շեղումով, հյուսիս-հարավ դիրքորոշում։ Այն փակված էր ստորին մակերեսները կոպիտ հարթեցված երեք սալաքարերով (ծածկասալերի չափսերն են՝ 1,1×0,48×0,1 մ, 1,05×0,52×0,12 մ, 1,16×0,48×0,9 մ)։ Անխախտ մնացած երկու սալաքարերի արանքը խցանված էր մանր խճաքարով ու կավով։ Երրորդ ծածկասալը հայտնաբերողները կոտրել էին, սարկոֆագի միջից հանելով դաջազարդ երեք թասեր և մեկ աճյունասափորու

Միակտոր, սև գույնի տեղական տուֆի ժայռակտորից պատրաստված, կլորացող անկյուններով տաշտականման սարկոֆագն ունի 1,52 մ երկարություն և միջին հաշվով մոտ 0,9 մ լայնություն (մի ծայրում լայնությունը 1 մ է, մյուսում՝ 0,75 մ)։ Պատերի բարձրությունները ևս անհավասար են. ընդլայնական պատերից մեկի բարձրությունը 0,65 մ է, իսկ դիմացինը՝ 0,55 մ։ Ցածր պատի ստորին մասում, հատակի մակարդակին հավասար, կա 3—4 սմ տրամագծով միջանցիկ մի անցք։ Ուշագրավ է, որ Հայաստանի տարածքում հայտնի են դամբարաններ, որոնց պատերին, տարբեր բարձրությունների վրա առկա են միջանցիկ անցքեր. փոքրիկ մի անցք է բացված Շիրակավանի մ. թ. ա. IX—VIII դդ. թվագրվող 10-րդ դամբարանի հյուսիսային պատը կազմող խոշոր ժայռաքեկորի ստորին մասում։ Նույն ձևի անցքեր են փորված նաև 1978 թ. Արգիշթիխինիլիում պեղված սալարկղի երկու պատերին։ Բացի այս, Վաղարշապատի

կիշների տների մոտ կարելի է տեսնել ուրարտական սարկոֆագներ, որոնցում այժմ սովորաբար ճղմում են խաղողը։

դամբարանադաշտում հայտնաբերված, այժմ էջ-միածնի երկրագիտական թանգարանում պահվող III—IV դդ. թվագրվող կավե դագաղի նեղացող ծայրում, հատակի և պատի միացման անկյունում ևս առկա է նման մի անցք (էնթ, զետեղարան, № 3434)։ Կարելի է ենթադրել, որ այդ անցքերը կապ ունեն հողու մասին եղած ժողովրդական հավատալիքների հետ. այս ենթադրությունն իհարկե դեռևս լրացուցիչ փաստարկման կարիք ունի։


Սարկոֆագի հատակին արված են 0,2—0,22 մ տրամաչափի ոչ խորը փորվածքներ, որոնք ծառայել են աճյունասահորներն ուղղահայաց դիրքով և ամուր պահելու նպատակին։ Սարկոֆագը հողով լցված չէր։ 0,1—0,12 մ հաստությամբ պատերը ներսից ու դրսից սրբա-տաշ չեն ու նրանց, ինչպես և ծածկասալների վրա ակնհայտ են քարտաշի կացնի թողած ոչ խորը հետքերը։ Սարկոֆագի շրջակայքի և տակի հողի միջից հնագիտական որևէ իր չգտնվեց։

Սարկոֆագի մեջ, իրարից ոչ համաչափ հեռավորության վրա գտնվեցին մարդու մաս-նատված ոսկորներ և զարդարանքի առարկանեո պարունակող շորս շքեղ սահորներ և շորս թա-ւեր։ Առաջին աճյունասահորը դրված էր հյուս-սիս-արևելյան անկյունում. նրա բերանը փակ-ված էր կիսագնդաձև իրան և ներկված շրջա-նաձև նստուկ ունեցող մի կարմիր թասով (աղ. 21)։ Ուրարտական այլ հնավայրերում հայտնա-բերված աճյունասահորները ևս, որպես կանոն, փակված են եղել թասերով, կավանոթների բե-կորներով կամ այլ իրերով²։ Որպես աճյունա-սահոր օգտագործված այս կճուճն ունի ձգված, ուռուցիկ իրան, փոքրիկ, հարթ հատակ, դուրս ձկված շուրթ, ոչ լայն բերան։ Իրանի ուսին կան երեք փոքր անցքեր (աղ. 11)։ Այս սահոր-ում մարդու մանրացված ոսկորներից բացի ուրիշ ոչինչ չգտնվեց։ Աճյունասահորի կաթնա-դեղնավուն և գորշ գունային երանգներով պատ-ված արտաքին երեսը հղկված է քարե կոկի-չով, որի տարբեր ուղղություններով տարված հետագծերը լրիվ չեն ծածկում կավի հիմնա-գույնը։ Հաճելի տեսքով այս գույնի խեցանոթ-ները վանի թագավորության բրոնզիայի ոչ մասսայական, սակայն հետաքրքիր արտադրանք-ներից են։ Նմանօրինակ անոթներն Արգիշթիխի-

նիլիում և այլ հուշարձաններում հանդիպում են շողուն-անգորապատ շքեղ խեցեղենի հետ հա-մատեղ և ունեն հորինվածքային միևնույն ձևերն ու մակերեսների մշակման նույն կատարելու-թյունը։ Այս կավանոթների թվում պատահում են նաև թույլ փայլեցված կամ անփայլ մակերեսնե-րով նմուշներ։ Սույն երևույթն առանձնապես ակ-նառու է Արգիշթիխիլիի արևմտյան ամրոցի հարավային կողմում բացված առաջին և երկրորդ նկուղային սենյակներից և պալատական շենքի 15-րդ սենյակի երկրորդ հատակի տակից հայտ-նաբերված խեցանոթների հարուստ հավաքածու-ներում, որոնք, ըստ իրենց շերտագրության և կավանոթների հատկանիշների, թվագրվում են մ. թ. ա. VIII դարով։

Մյուս աճյունասահորը դրված էր սարկոֆագի հարավային պատի մոտ։ Սահորի միջից մար-դու մանրացված ոսկորների հետ գտնվեցին իրա-րից հեռացած սուր ծայրերով, հաստացող կենտ-րոնական մասով բրոնզե փոքրիկ ականջօղեր, գնդաձև, ձվաձև ու անվաճաձև քարե ու շաղախե ուլունքներ (աղ. 19, աղ. 27)։ Ինչպես երևում է, աճյունը սահորի մեջ են տեղավորել իր զար-դերով հանդերձ (այդպես էին վարվում և դիա-կիզման ժամանակ)։ Նկարագրվող աճյունասա-հորն ունի ուռուցիկ իրան, հարթ հատակ, լայն, քիչ դուրս ձկված կլորացող շուրթի պսակ։ Կա-վամանի բերանը ձևավորված է այնպես, որ լավ փակվի կափարիչով։ Մուգ դարչնագույն և կար-միր երանգներով, փայլեցված արտաքին երե-սով այս անոթի ուսամասում նախորդի նման կան երեք միջանցիկ անցքեր։ Սահորը դաշակիր է. ուսի վրա արված է ճառագայթաձև ութ թմբիկ-ներով լցված սկավառակ (տրամագիծը՝ 1,5 սմ)։ Ներլցումով այսպիսի դաշվածքը առայժմ հայտ-նի է միայն Արգիշթիխիլիից։ Ճիշտ նման պատկերակիր դրոշմիչով է դաշված նոր Արմա-վիր գյուղի տարածքից պատահաբար գտնված կարմիր փայլեցված, ուսամասում միջանցիկ անցքերով կճուճը։ Նրա հարթ կտրված շուրթի պսակով բերանի բացվածքը ներսի կողմից փոք-րացված է լրացուցիչ հարթակով, որի վրա նստել է կափարիչը։ Ծառագայթներով ներլցուն սկա-վառակաձև կամ քառանկյունաձև շրջանակները վանի թագավորության մոնումենտալ և կիրառա-կան դեկորատիվ արվեստի առանձնապես հարգի մանրամասներից են։ Հետաքրքիր է և որպես աճյունասահոր օգտագործված կավանոթի շուր-թի հորինվածքը, որը հանդիպում է համաժա-մանակյա թե՛ սև և թե՛ կարմիր փայլեցված խե-ցանոթների վրա։ Ուղղահայաց, կտրվածքում անկյունապատկեր հորինվածք ունեցող շուրթե-րով, կարմիր փայլեցված մակերեսով խեցանոթ-ների նմանակները ևս հաճախ են հանդիպում Ար-գիշթիխիլիում։ Համադրվող իրերից մեկը՝ լայ-

² Б. А. Куфтин. Урартский ко-лумбарий на подожве Арарата и куро-аракский энеолит.—Вестник Гос. музея Грузии, Вып. XIII—В, 1944, с. 1—16. 2. Մ ար տ ի ռ ո ս յ ա ն, 2. Մ ն ա ճ ա կ ա ն-յ ա ն. Նոր Արեջի ուրարտական կուլմբարին.—ՀՍՍՀ ԳԱ «Տեղեկագիր» (հաս. գիտ.), 1958, № 10, էջ 63—64։



Աղ. 1

նաբերան, գնդաձև իրանով, կարմիր փայլեցված մակերեսով, հարթ հատակով կավանոթ է, որը հայտնաբերվել է 1973 թ., արևմտյան ամրոցից հարավ, Բուրի լանջի նկուղային 1-ին սենյակից, «ժխտական սպասքի» ուղեկցությամբ, իսկ մեկ ուրիշն է՝ 1933 թ., հյուսիսային լանջի 3-րդ դարավանդի վրա պեղված 2-րդ սենյակում: Այսպիսով, երկրորդ աճյունաստիճանը իր շուրթի հորինվածքով և դաշվածքի պատկերով համադրվում է մ. թ. ա. VIII դարի վաղեմութուն ունեցող նյութերի հետ, հետևաբար և թվագրվում է նույն դարով:

Սարկոֆագի մեջ եղած մյուս երկու աճյունաստիճանները դրված էին արևմտյան պատի մոտ: Սրանք միանման, գրեթե միևնույն չափի, մոզ կարմիր, շողուն անգործապատ մակերեսով, բարձր վրով, դուրս ճկված կլորացող շուրթի պսակով, ուռուցիկ իրանով, շրջանաձև, քիչ բարձր թլմարիկով երիզված հարթ հատակ ունեցող գեղատես կոնձներ են, որոնց ուսերին առկա է մեկական ելունդավոր գոտի: Սրանց ուսերին ևս արված են երեք միջանցիկ անցքեր: Արգիշթիխիից, Իզդիրից, Նոր Արեշից, Օշակներից և այլ հնավայրերից հայտնի, որպես աճյունաստիճան օգտագործված կավանոթները դիտարկելիս, աչքի է ընկնում երկու ընդհանուր հանգամանք՝ անոթների շեղումը: Երկուսն էլ ալո անոթների ուսերին միջանցիկ անցքերի առկայությունը: Ինչպես ճիշտ նկատել է Բ. Ա. Կուֆտինը, անցքերը փորվել են ոչ թե կավամանների պատրաստման ժամանակ, թաց կալի վրա, այլ հետո, խեցանոթը որպես աճյունաստիճան օգտագործելիս և պայմանավորված են անհավասարաչափությամբ, որոնց համաձայն հոգին մերշնականապես չի լքում հանգուցային նույնիսկ մարմնի մոխրանալուց հետո և կարիք ունի տեղաշարժման: Այս առումով ուշագրավ է, որ ուրարտական դիցակարգում հիշատակվում է մի օրասոված, որը հոգիներ է տեղափոխում⁵:

Չորրորդ աճյունաստիճանի ուսին կա կլորացող անկյուններով, քառանկյունաձև հրապարակով դրոշմ. նրա վրա պատկերված է երկթեք տանիքով «ամպշուլանի», որի անկյունաձև ճակտոնի կենտրոնում, տանիքի մակերեսից վեր է բարձրանում կիսաշրջանաձև ելունը կամ անտը: Ճակտոնի զարդագոտին կամ «ամպշուլանու» տանիքից կախված ծալքերը ձևավորված են ներճկված ռելիեֆ, փոքր եռանկյունիներով: «Ամպշուլանու» տակ ռելիեֆ գծերով պատկերված է հարթ պատվանդանի վրա կանգնած ռճավորված մի թուղն («»)՝ անկյունաձև բացած թևերով և իրար միա-


ցած ոտքերով: Այս աճյունաստիճանում գտնվեցին միայն մարդու մասնատված ոսկորներ: Երրորդ ստիճանում, մարդու ոսկորներից բացի գտնվեցին երկաթից, բրոնզից, կիսաթանկարժեք քարերից պատրաստված տարբեր իրեր ու զարդեր: Այս փոքրիկ հավաքածուն բաղկացած է առյուծազուլիս բրոնզե ապարանջանից, երկու շիզդերից, երեք հասարակ, սուր ծայրերով օղբրից, երկու երկաթե ասեղներից, կշռաքարաձև կնիքից և բրոնզե բարակ թիթեղների մանր բեկորներից, որոնցից մեկը կարծես ինչ-որ կենդանու՝ կարիճի կամ կոկորդիլոսի իրանի մաս է ներկայացնում: Վանի թագավորության սահմաններում, ինչպես և Հին Արևելքում լայն տարածում գտած առյուծազուլիս ապարանջանների խմբին պատկանող ներկայացվող օրինակը (աղ. 17) կտրվածքում շրջանաձև, համահավասար հաստությամբ ունեցող (0,5 սմ) մի լար է, որի ծայրերն ավարտվում են զանգվածեղ, ռճավորված կենդանու գլուխների քանդակներով: Գլխի վրա՝ փոքր թմբիկների, հարթ և կլոր հրապարակների ճշգրիտ տեղակայմամբ արտահայտված են երեք կողմերից դիտվող քանդակի դեմքի մանրամասները: Այս իրը բոլոր հատկանիշներով համընկնում է Իզդիրի դամբարանում գտնված ապարանջանների հետ: Աճյունաստիճանում գտնված շիզդերից մեկն ամբողջական է, բացակայում է միայն հորիզոնական դիրքում ամրացվող ասեղը: Շիզդի լայնացող, ասեղնակալ ծայրերը կեղծված են դեպի վեր: Կենտրոնական մասում հաստացող, կտրվածքում շրջանաձև աղեղի երկու թևերը գոտեկորվում են զույգ օղակներով: Մյուս շիզդը թևերի է (աղ. 18): Նրա աղեղի կենտրոնական հատվածը, ի տարբերություն նախորդի, լայն է, իսկ վերին մակերեսը՝ ծալքավորված: Բրոնզե տարբեր տեսակի շիզդերը ևս հաճախ են հանդիպում ուրարտական և նույն ժամանակաշրջանի հուշարձաններում⁶: Երրորդ աճյունաստիճանի հետաքրքիր առարկաներից է և կարմրա-

⁵ Б. А. Куфтин. Указ. соч., табл. V, № 9.

⁶ Б. Б. Пиотровский. Кармир-блур, I. Ереван, 1950, с. 40, рис. 23; Кармир-блур, II. Ереван, 1952, с. 36, рис. 18; Кармир-блур, III. Ереван, 1955, с. 18; А. А. Мартиросян, Аргиптихинли. Ереван, 1974, с. 150, рис. 94; С. Г. Деведжян. Лорп-берд. Ереван, 1981, табл. XXV, № 9; է. Վ. Նալչադյան, 4. Հ. Մկրտչյան, է. Ս. Պարսամյան. Մեծամոր. Երևան, 1973, աղ. 2, նկ. 5; Ե. Հալալյան. Դամբարանների պեղումներ Խորհրդային Հայաստանում. Երևան, 1931, էջ 180, նկ. 155:

³ Б. А. Куфтин. Указ. соч., с. 70.

⁴ Г. А. Капанцян. Историко-лингвистические работы. Т. II, Ереван, 1975, с. 91.



Ил. 2

վուն ստեղծված քարից պատրաստված գլանաձև ղաշ—կնիքը: Այն ունի կշռաքարի տեսք (քարձր. 4,5 սմ): Վերևում առկա է հարթ, փոքր, կենտրոնում միջանցիկ անցք ունեցող բազմանիստ կախիկը, որի կողային նիստերը զարդարված են երկուական թեք գծերով: Կողի մակերեսի և հատակի վրա քանդակված են իրար հետևող երկու կենդանիներ և մեկ թռչուն: Կնիքի կողի վրայի կենդանիների մարմինները հորինված են տարբեր կենդանիների բաղադրամասերի համակցումով: Բարձր պահած գլուխներով, չլապինդ, ձգված վզերով կենդանիներն ունեն արտակարգ երկատ իրաններ, ետ ծավալած վերջնամասերով բարակ ոտքեր, մինչև գետին հասնող պոչ: Նրանց թևերն ու պարանոցը ծածկված են փետուրներն ու բաշը: Նշանակող կարճ ակոսագծերով: Կենդանիների գլուխները փոքր են, սրագունը: Նրանցից մեկի քիչ կողք թեքված գլխին պատկերված է արու եղջերուի բազմաճյուղ եղջյուր, թևի մոտ՝ կիսալուսին կամ սկավառակ: Մյուս կենդանին անհեջյուր է, դրա փոխարեն պատկերված է նրա ձեր թեքված ականջը: Այստեղ թերևս քանդակված են խիստ ոճավորված և թևավոր արու և էգ եղջերուներ: Ուշագրավ է մասնավորապես արու եղջերուի մարմնի տարածական-ծավալային պատկերը, որն իր հորինվածքով տարբերվում է ուրարտական դեկորատիվ և մասնավորապես մանրապատկերային դաշազարդի՝ սյուժեի արտահայտման համար օգտագործված կենդանիների իրանների ձևերից և հիշեցնում է ժայռապատկերներում և բրոնզե գոտիների վրա պատկերված եղջերուներին, որոնց իրանները, շարժուն թև անշարժ վիճակում, ունենում են կենտրոնական մասում վերևից և ներքևից քիչ ներկված, ձգված օվալի տեսք: Եղջերուն վանի թագավորության դեկորատիվ արվեստում ամենից քիչ հանդիպող կենդանին է: Մինչ այժմ այն հայտնի էր Ալթինթեփեի որմնանկարներից⁷ և Կարմիր բլուրում գտնված ղարդատուփի վրայի պատկերից⁸ (զարդատուփի ուրարտական լինելը խիստ կասկածելի է⁹): Կնիքի ստորին, շրջանաձև հրապարակի վրա քանդակված թևատարած թռչունը ընթացի մեջ է: Նրա եռանկյունաձև փոքրիկ գլխի՝ պատկերված է աղեղնաձև եղջյուր կամ փետուր: Թռչունի ալս պատկերն իր հորինվածքային մանրամասներով ու դիրքով հիշեցնում է Կարմիր բլուրի միջնաբերդում հայտնաբերված, այժմ Հայաստանի պատմության պետական թան-

դարանում պահվող կոնաձև գաշ-կնիքի վրայի քանդակը: Ներկայացված կշռաքարաձև կնիքը վանի թագավորության մանրաքանդակի հետաքրքիր և մինչ այժմ իր կրկնօրինակը չունեցող մի նմուշ է:

Այս իրերի հավաքածուն ամբողջացնում են սարկոֆագում գտնված երեք թասերը: Նրանցից մեկը (աղ. 22) կարմիր անգորապատ, կիսազրնաձև խորունկ թաս է, որն ունի նուրբ, բարակող, բլրաձև, հարթ մակերեսով հատակ, որի վրա խազերով պատկերված է նժարաձև կշեռք հիշեցնող մի նշան: Հատակի շրջագծից դուրս, ներկաման եղանակով արված է հիերոգլիֆ մի նշան, որը բաղկացած է լատինական T տառը հիշեցնող հիմնական պատկերից և նրա երկու կողմերում եղած շրջանակներից: Այս թասն իր ձևով և շուրթի ձևավորմամբ պատկանում է ուրարտական խեցեղենի այն տեսակին, որն այժմ դիտվում է որպես հիմք՝ վաղ հայկական փայլաների առաջացման համար: Մյուս երկուսը (աղ. 23, 24) միանման խորունկ թասեր են, որոնք ունեն ուրարտական թասերին և տաշտերին բնորոշ շուրթի պսակ և հարթ հատակ: Միմյանցից տարբերվում են միայն բաց կավադույն և կարմրավարդաշագույն փայլեցված մակերեսների գունային երանգավորմամբ: Թասերի հարթ հատակների շրջագծից դուրս, կողի ստորին մասում առկա են եռանկյուններով և սեգմենտաձև պատկերներով ներկցուն երկուական վարդապատկեր դաշվածք, որոնք բավականին հաճախ են հանդիպում ուրարտական կավանոթների վրա: Նման դաշակի անոթներ հայտնի են Թոփրախկալից, Կարմիր բլուրից¹⁰ և ամենից առատ՝ Արգիշթիխիից:

Սարկոֆագը վանի թագավորությունում գոյություն ունեցած թաղման խուցերից մեկն է, որից սկիզբ են առնում հեթանոս և քրիստոնյա հայերի մոտ լայն տարածում գտած և մինչև զարգացած միջնադար գոյատևած միակտոր քարաշեն սարկոֆագները: Նրա գիտաճանաչողական արժեքն ավելի է բարձրանում, երբ այն դիտարկվում է հնագիտական նյութերի միջոցով հնագույն պատմա-բանահյուսական աղբյուրների տվյալները հաստատելու, նրանց ակունքները որոնելու, բացահայտելու տեսանկյունից: Այս կապակցությամբ առանձնակի ուշադրության են արժանի սարկոֆագի ուսումնասիրությամբ ի հայտ բերված թաղման ձևի, նրան ուղեկցած արարողության և Մովսես Խորենացու կողմից դրի առնված Արա Գեղեցիկ և Շամիրամ առասպելում Արայի

7 Կ. Լ. Հովհաննիսյան, էրեբունիի որմնանկարները, Երևան, 1975, աղ. 53—54.

8 Б. Б. Пиотровский. Искусство Урарту. Л., 1962 с. 104, рис. 68.

9 Նույն տեղում, էջ 105, նկ. 70.

10 В. С. Сорокин, Раскопки древнего поселения.—В кн.: Б. Б. Пиотровский. Кармир-блур, II, с. 84.

թաղման և նրա դիակի նկատմամբ ցուցաբերված վերաբերմունքի մանրամասների նմանությունները: Ըստ առասպելի, Ասորեստանի դեմ մղված պատերազմում քաջարար զոհված Արայի դին, Նամիրամի կարգադրությամբ, դրվում է «ապարանքի վերնատունը», ուր Արալեզները պիտի լինեին նրա վերքերը և Արան պիտի կենդանանար:

Ինչպես տեսանք, սարկոֆագի մեջ դրված աճյունասափորները լցված էին մարդու մասնատված ոսկորներով: Այդպես կարող էին վարվել միայն մկանաղեղնավաճ դիակի հետ: Այս փաստի առկայությունը վկայում է այն մասին, որ Ար-դիշթիսիսիիում դիաթաղմանն ու դիակիզմանը զուգահեռ իրականացվել են նաև այսպես կոչված «երկրորդային թաղումներ»: Հնագիտական տվյալների և հին հեղինակների վկայությունների համաձայն, թաղման այս ծեսի ժամանակ, նրն-ջեցյալի դին դրվում էր բաց երկնքի տակ, առանձնացված վայրում կամ աշտարակի վրա և թողնվում էր այդպես մինչև մասթափվելը կամ կենդանիների և թռչունների կողմից հողատվելը: Այնուհետև դիակի մնացորդները թաղվում էին համապատասխան արարողությամբ:

Հին Արևելքի ընդարձակ տարածքում վերահիշյալ ձևով («երկրորդային») թաղումներ հայտնի են կենտրոնական Անատոլիայի Իկոնիայի դաշտի Զաթալհույուկ հուշարձանի նոր քարեդարյան վաղեմություն ունեցող շերտից: Այստեղ 7—8-րդ հորիզոնների սրբարանների որմնակարներում ներկայացված է Զաթալհույուկի բնակիչների թաղման ծեսից մի տեսարան, ուր պատկերված է գիշանգլանների հողատած ու «մաքրած» մի դիակ, իսկ VIIB սրբարանի պատին պատկերված է փայտից, ծղոտից ու եղնգներից կառուցված այն շինությունը, որտեղ դրված դիակն անջատվում է մսից: Զաթալհույուկի բնակիչները «մաքրված» ոսկորները փաթաթում էին խսիրի մեջ կամ տեղավորում էին զամբյուղներում և ապա թաղում՝ սրբարանների կամ տների ներսում կառուցված ոչ բարձր թմբերի տակ¹¹:

Դիամասնատմամբ (կամ «երկրորդային») թաղման սովորույթը ուշ բրոնզի և վաղ երկաթի դարերում Փոքր Ասիայի և Անդրկովկասի տեղաբնիկների մոտ տարածում գտած թաղման ձև-վերքից մեկն է: Դամբարաններում այն դրսևորվում է կմախքի ոսկորների մի մասի բացակայությամբ կամ տարանջատվածությամբ: Նման թաղում պարունակող դամբարաններ են պեղվել Սևանի ավազանում, Շիրակի դաշտում, Զանգե-

զուրում, Տաշիր Զորագետում և այլուր¹²: Թաղման այս ձևն իր զուգահեռներն ունի իրանական աշխարհում. համաձայն է. Հերցֆելդի, Պերսեպոլիսում, Սուկավենդում, Ուրմիա լճի շրջակայքում հայտնաբերված են աճյունասափորներ՝ լցված մարդու մասթափված ոսկորներով: Սակայն դրանք թվագրվում են ուշ Աքեմենյան կամ հտա-հեմենյան ժամանակաշրջանով¹³ և Զրադաշտական կրոնի արտահայտություններից են: Զրադաշտի առաքելական գործունեության մոտավոր էպոխայից ավելի վաղ ժամանակաշրջանի այդպիսի թաղումներ Իրանում հայտնի չեն: Այս կապակցությամբ հետաքրքիր են ծիցերոնի և Ստրաբոնի վկայությունները մոզերի թաղման ծեսի մասին Իրանում: Ըստ այդ հեղինակների, մոզերի դիակները նախապես տրվել են գիշատիչներին՝ հողատու, իսկ Հիրկանիայում, այդ նպատակի համար պահվել են հատուկ շներ¹⁴: Մ. թ. ա. VIII—VII դդ. Վանի թագավորությունում և ապա ավելի ուշ՝ VI—IV դդ. Պարսկաստանում դիտվող թաղման այս ծեսը բացատրվում է նախնադարյան կրոնական այն ըմբռնմամբ, համա-ձայն որի հավատացյալը պարտավոր է խուսափել ամեն տեսակի անմաքրությունից և առաջին հերթին անմաքրության խորհրդանիշ հանդիսացող դիակից: Նախնադարյան կրոնամիստիկական այս ըմբռնումը Վանի թագավորությունում, Ասորեստանում և ապա նաև Պարսկաստանում մ. թ. ա. VIII—VII դդ. ստացել է ծիսական իմաստ, որի իրականացման համար կառուցել են հատուկ աշտարակներ («վերնատներ»), որտեղ դրել են մահացածի աճյունը, նախքան այն հողին հանձնելը:

Արդիշթիսիսիիի . քննարկված դամբարանի ուսումնասիրությունը ցույց է տալիս, որ վերոհիշյալ ծեսը կիրառություն է ունեցել Վանի թագավորությունում և բացառված չէ, որ հուրարտական Հայաստանում ու Պարսկաստանում հայտնաբերված նման թաղումներն արդյունք լինեն Հայկական լեռնաշխարհում և Իրանում ուրարտական մշակույթի մեծ ազդեցության:

Պատմ. գիտ. դոկտոր Հ. Ա. ՄԱՐՏԻՐՈՍՅԱՆ,
Ռ. Մ. ԲՈՐՈՍՅԱՆ

¹² Т. С. Хачатрян. Древняя культура Ширака. Ереван, 1975, с. 145—147; С. Г. Деведжян. Лори-берд, с. 52.

¹³ E. Herzfeld. Archaeological history of Iran. London, 1935, p. 39; E. Herzfeld. Iran in the ancient earth. London, 1941, p. 505.

¹⁴ М. А. Дандамаев, В. Г. Луконин. Культура и экономика древнего ира. М., 1980, с. 321.

¹¹ J. Mellart. A neolithic town in Anatolia, p. 65, 77, 116.